

## E3 O našimos



Ando bêš 1941 deportisarde le raj le têne romes Johann Baranyai, kaj sas deš-u-panže bêšengo, katar peski bući ando Niederösterreich, thaj angêrde les ande takozvano „Zigeunerlager Lackenbach.“ Kote sas te kêrel bući pe zor pe l' dromengê projektur. 1943 našlo lo eke amalesa paj bar ando Ungro kaj sas pašê. Bi lilengo boldja pe vo čorjal palpale ando Baro Njamco. Ando Njamco arakhlja vo kak agro-kulturaki bući aj pala kodja kêrdja bući ande 'k pekarna. Te na bi denas le gaže pe leste javisajlo vo ando bêš 1944 voluntarno ka tankoski grupa kata „Wehrmacht“. Po fronto zurales řanisajlo. Vo arêslu pala kodja ande l' vast kata sovjeticko sistemo. Ando bêš 1945, kana sas lo 19 bêšengo, našlo lo andaj špita taj kodolasa skêpisajlo kataj deportacija ande Řusija.

1910

1951

1941-45

### 💡 Žanglen tumen

... kê maškar le bêš 1939 taj 1945 deportisajle but manuša ande logorja numa anda kodja, kê e policija thaj le foroski administracija registrasardja len ande kaća maškar-marimaski perijoda sar membro kata jek „Zigeunerfamilie?“ Ande but slučajura skêpisardja len kodja, te pařugle von pesko bêšimasko than gele ande 'k aver regijono kaj nas von registririme sar „Zigeuner.“

### ✍ Tumari bući

Den tume godji, sar daštinas tume te preživin bi ažutimasko katar tumaro dad taj tumari dej taj bi personalnone dokumentongo.

### 📷 Paj fotografija

O Johann Baranyai 18 bêšengo sar ketana katar e „Deutsche Wehrmacht.“ d/ROM/a Sonderreihe 03/15 Roma Service, A-7503 Kleinbachselten, Gartenstraße 3



<https://romasintigenocide.eu/kalderasch/e>